



16. juli 2018

Inatsisartunut suleriaatsimi § 37 imm. 1 naapertorlugu, Naalakkersuisunut apeqquteqaatit uku saqqummiuppakka.

Naalakkersuisunut apeqquteqaat:

1. Naalakkersuisut ilisimatitsissutigisinnaavaat, innutttasut Majoriaqcenterimik piginnaangorsaqqissimasut, 2016-miit qanoq ingerlasimanerat, qassit sulilersimappat imaluunniit qassit ilinniagaqalersimappat?

2. Majoriap sunniutai Naalakkersuisunit qanoq nalilersorneqarpat?

3. Majoriap ineriartornissaanut Naalakkersuisut piviusunik sunik pilersaaruteqarpat?

4. Pisamut soqutiginarsinnaasumik allamik Naalakkersuisut paasisutissiisinnaappat?
(Inatsisartunut Ilaasorta, Nivi Olsen, Demokraatit)

Peqqut

Sulisoq aalajaatsoq, kajumittoq, piukkunnartoq sungiussiasorlu massakut siunissamilu inuussutissarsiornikkut inuunermi siunniussap qulakkeernissaa siunertaralugu, piginnaangorsaqqiiffiusarfiup Majoriap suliassaraa, innutttasut sulisinnaasut siunnernornissaat pikkorrissarnissaallu, taamaalillutik ilinniagaqarnissaminut imaluunniit sulilernissaminut piareersimaniassammata.

Aningaasartuutissanut inatsimmut ukiut tamaasa milliuunerpasuit siunertamut tassunga atugassat tunuartittarpagut. Kontomi pingaarnermi 64.13.23, 2018-mi immikkoortinneqarsimapput piginnaangorsaqqiiffiup ingerlanneranut aningaasat 75 milliuunit koruunit sinnilaarlugit. Aningaasat ukiuni sisamani tulliuuttuni 78 milliuunit koruunit sinnilaarlugit qaffannissaat naatsorsuutigineqarpoq. Tamassuma saniatigut kontomi pingaarnermi 64.13.27-mi atuartunut tapersiissutitut 35 milliuunit koruunit sinnilaarlugit immikkortinneqarsimapput. Taamaalilluni Majoriamut ukiumut 100 milliuunit koruunit sinningaatsiarlugit atorneqartarput.

Demokraatinut nalornissutaanngilaq, pingaartuusooq, uagut politikkeritut annertuumik suliniuteqarnerput, tassalu innutttasut inersimasut nunatsinni ilinniagaqalersimanissaat imaluunniit suliffeqartuunissaat. Pingaartuuvoq inuiaqatigiinnitsinnut kikkut tamarmik tapersiiSINNAANISSAAT kiisalu inuiaqatigiinnitta ingerlanneqarneranut kikkut tamarmik TAPERSIINISSAAT.

Uagutsinnutaaq pingaartuuvoq, aningaasat iluamik sunniuteqarluartumillu atussagigut. Apeqqut ajunngitsuuvooq ilumut Majoriaq pillugu aamma ilumut taammaattoqarnerooq. Tamatumunnga ilisimasarput annikitsuarsuuvoq.

Suliffiit ullut qaangertinnagit apeqqutima akineqarnissaat kissaatigaara.